

BENEDICTUS PP. XIV.

Ad perpetuam rei memoriam.

Quae ad Catholicae Religionis puritatem integerrime tuendam , et castos mores a contagione caute servandos maxime pertinent , cum semper ab Apostolica hac sancta Sede provide , sapienterque constituta , et sanctissime custodita sint; tum illud in primis laudabili Romanorum Pontificum praedecessorum nostrorum zelo , ac vigilantia provisum , et cautum fuit , ne ullum propter pravos , exitiososque Libros , quibus fides , et pietas labefactari plerumque solent , Christifidelium animabus praejudicium , ac detrimentum irrogaretur. Quamobrem non solum hujusmodi Libros improbare , et proscribere consueverunt , sed ne vetitae quoque eorum lectionis oblivio ulla unquam subreperet , aut ignorantia obtemperet , publicis tabulis , atque catalogis eosdem perniciosos Libros describi , et consignari voluerunt ; quo sane fieret , ut , palam denunciata , atque oculis subjecta eorum pravitate , ab omnium manibus facilius removerentur. Crescente autem in dies exitiosa ipsorum segete , et copia ; renovari identidem , atque augeri

57
oportuit Indices ipsos, quorum primum
quidem pubblica Ecclesiae auctoritate a
sapientissimis Tridentinae Synodi Patri-
bus dispositum fel. rec. Pius PP. IV. praede-
cessor noster optimis regulis communi-
tum perfecit, atque Apostolica auctorita-
te vulgavit: deinde vero Clemens PP. VIII.
itidem praedecessor noster Librorum nu-
mero auctum, atque nonnullis in antedi-
ctas Regulas observationibus illustratum
novo luce donavit. Alexander deinde
PP. VII. pariter praedecessor noster di-
versa a prioribus methodo ordinatum,
atque in varias partes tributum hujusmo-
di Indicem suo nomine edi voluit, ac
promulgari. Etsi autem pro temporum
conditione satis diligenter, atque utiliter
in iis conficiendis laboratum sit, diutur-
na tamen observatione, atque experimen-
to compertum est, memoratos Indices ne-
que satis correctos, neque satis usui ac-
commodatos prodiisse: quapropter e pu-
blica utilitate fore visum est, si novus
Index methodo aptiore digestus, atque a
mendis, erratisque pluribus, quae in
priores irreperant, emendatus constue-
retur. Rem hanc omni procul dubio la-
boris, et diligentiae plenam jam tum ani-
mo preconceperamus, cum certas Re-
gulas in examine, et proscriptione Li-

brorum servandas tradidimus in Constitutione nostra , quae incipit : *Sollicita , ac provida* , vii Id. Jul. Anno Incarn. Dom. MDCCLIII. Pontificatus nostri Anno XIII. data. Hujusmodi subinde negotium mature jam discussum Ven. Fratribus nostris S. R. E. Cardinalibus Congregationi Indicis Librorum prohibitorum praepositis dirigendum , promovendumque commisimus , qui pro injuncti sibi muneric ratione , zelo , ac solertia , adhibitis etiam in consultationem et opus doctis , ac diligentibus Viris , omnia pro votis sedulo , accurateque perfecerunt. Absolutum itaque juxta mentem nostram laudatum Indicem , et ab iisdem Cardinalibus revisum , atque recognitum , Typis Camerae nostrae Apostolicae edi voluimus , ipsumque praesentibus Litteris nostris tanquam expresse insertum habentes auctoritatē Apostolica tenore praesentium approbamus , et confirmamus , atque ab omnibus , et singulis personis , ubicumque locorum existentibus , inviolabiliter , et inconcusse observari praecipimus , et mandamus sub poenis tam in Regulis Indicis , quam in Litteris , et Constitutionibus Apostolicis alias statutis , et expressis , quas tenore earumdem praesentium confirmamus , et reno-

vamus. Non obstantibus Apostolicis generalibus, vel specialibus Litteris, Constitutionibus, ac quibusvis statutis, decretis, usibus, stylis, et consuetudinibus etiam immemorabilibus, caeterisque in contrarium facientibus quibuscumque. Volumus autem, ut earumdem praesentium Litterarum transumtis, seu exemplis etiam impressis, manu alicujus Notarii publici subscriptis; et sigillo Praelati alicujus in dignitate ecclesiastica constituti obsignatis, eadem prorsus fides habeatur, quae ipsis praesentibus habetur, si forent exhibitae, vel ostensae. Datum Romae apud Sanctam Mariam Majorem sub annulo Piscatoris die xxiii. Decemb. MDGCLVII. Pontificatus Nostri Anno XVIII.

Cajetanus Amatus.